

PLEIV TUJETSCH



Rapport annual 2019

Invitaziun

alla radunonza generala ordinaria dalla Pleiv Tujetsch
gliendisdis, ils 24 d'uost 2020 allas 20:00 uras
ell'aula dalla casa da scola Sedrun

Tractandas

1. Avertura e beinvegni
2. Elecziun dils dumbravuschs
3. Approbaziun dil protocol dalla radunonza generala dils 17.06.2019
4. Approbaziun dil rapport dil president dalla Pleiv
5. Approbaziun dil rapport dalla presidenta dil cussegl pastoral
6. Rendaquen, rapport dils revisurs ed approbaziun dil quen 2019
7. Approbaziun dil preventiv 2020
8. Fixar il pei da taglia 2020
9. Elecziun da sur Mathew sco plevon administratur
10. Varia

La suprastonza dalla Pleiv Tujetsch envida tuttas parochianas e tuts parochians alla radunonza generala dalla pleiv. Ei legrass nus zun fetg d'astgar beneventar in grond diember a quella radunonza.

Il president
Arthur Caduff

Il vicepresidente
David Tuor

Protocol

**Radunonza generala dalla Pleiv Tujetsch, ils 17 da zercladur 2019
allas 20.00 uras ella sala Cristalla dalla halla plurivalenta Dulezi**

Presents: 31 persunas

Perstgisas: Emil Soliva, Rosvita Loretz, Leci Brugger, Hubert Venzin,
Vigeli Schmid, Beni Hendry

Tractandas

1. Avertura e beinvegni
2. Elecziun dils dumbravuschs
3. Approbaziun dil protocol dalla radunonza generala dils 11-06-2018
4. Approbaziun dil rapport dil president dalla pleiv
5. Approbaziun dil rapport presidial dil cussegl pastoral
6. Rendaquen, rapport dils revisurs ed approbaziun dil quen 2018
7. Approbaziun dil preventiv 2019
8. Fixar il pei da taglia 2019
9. Midadas dalla constituziun:
 - art. 18 «La suprastonza» (cumposiziun)
 - art. 24 «Uorden da fatschentà»
10. Elecziuns:
 - a) president
 - b) negins ni dus assessurs
 - c) dus revisurs
11. Varia

1. Avertura e beinvegni

Il president Arthur Caduff beneventa cordialmein tuts presents alla hodier-na radunonza generala dalla Pleiv Tujetsch. Il rapport annual ei vegnius tarmess tier a tuttas casadas dalla Val Tujetsch. La gliesta da tractandas vegn sin proposta dalla presidenta dil cussegl pastoral midada giu. Tier tractanda 10 Elecziuns vegn d'eleger in commember ni ina commembra per il cussegl pastoral. Cun quella midada vegn la gliesta da tractandas approbada unanimamein.

2. Elecziun dils dumbravuschs

Sco dumbravuschs vegn Baseli Hitz elegius unanimamein.

3. Approbaziun dil protocol dalla radunonza generala dils 11-06-2018

Il protocol dalla radunonza generala dils 11-06-2018 ch'ei vegnius publicaus el rapport annual dalla Pleiv Tujetsch vegn approbaus unanimamein. Il president Arthur engrazia agl actuar David per la redacziun dil protocol.

4. Approbaziun dil rapport dil president dalla pleiv

Era il rapport dil president dalla pleiv Arthur Caduff ei vegnius publicaus el rapport annual. Quei rapport vegn medemamein approbaus unanimamein cun in ferm applaus.

5. Approbaziun dil rapport presidial dil cussegl pastoral

Il rapport presidial d'Imelda Monn e Lucia Giossi ei medemamein vegnius publicaus el rapport annual e vegn era approbaus unanimamein.

Il president dalla pleiv Arthur engrazia ad Imelda e Lucia per lur grondiussa lavur en favur dalla pleiv. In engraziament admitta el vinavon a tuts commembers dil cussegl pastoral per lur impurtont engaschi sur igl entir onn ora.

6. Rendaquen, rapport dils revisurs ed approbaziun dil quen 2018

Il quen 2018 ei vegnius publicaus el rapport annual dalla Pleiv Tujetsch. Nies cassier Simeon Cavegn declara minuziusamein co ei stat cun las finanzas.

entradas	frs. 393'843.78
expensas	frs. 370'930.10
fatg anavon	<u>frs. 22'913.68</u>

Il president Arthur engrazia al cassier per la buna lavur e las detagliadas informaziuns.

El decuors dalla primavera 2019 han ils dus revisurs Linus Vincenz ed Emil Soliva priu investa dil quen 2018. Sco usitau ei il quen vegnius menaus conform alla contabilitad moderna. Ils revisurs han inspectau il quen e la bilanza 2018 sco era ils quens dallas baselgias e capluttas. Tuts mussaments ein avon maun e corrispundan alla cudischaziun. Il revisur Linus Vincenz propona d'approbar ils quens sco era la bilanza 2018, da dar

scarica al cassier ed exprimer in meritau engraziament alla suprastonza per la buna lavur. Negins presents tschentant damondas ni expriman giavischs. Aschia vegnan ils quens e la bilanza 2018 approbai unanimamein.

7. Approbaziun dil preventiv 2019

Il cassier Simeon lai repassar il preventiv per igl onn 2019. Tier il preventiv dat ei buca grondas midadas. Ils presents approbeschan il preventiv unanimamein.

8. Fixar il pei da taglia 2019

La suprastonza dalla pleiv propona ch'il pei da taglia 2019 resti sin quendischi procent. Las parochianas ed ils parochians approbeschan la proposta dalla suprastonza unanimamein.

9. Midadas dalla costituziun:

- **art. 18 «La suprastonza» (cumposiziun)**
- **art. 24 «Uorden da fatschenta»**

Suenter quendischi onns sco schef da baghegiar ha Ignazi Monn remess uoi uffeci en suprastonza. Era Wendelin Hendry ha abdicau sco assessur suenter nov onns en uffeci.

Aschia havein nus dalla suprastonza discussiunau da sminuir il diember da commembers ella suprastonza dalla pleiv. Suenter nossa discussiun essan nus unanimamein stai dil meini da reducir il diember da commembers dad oz tschun sin treis personas. Il president Arthur metta la proposta dalla suprastonza alla votaziun. Tuts presents sustegnan la proposta dalla suprastonza. Il president engrazia a tuts presents per lur sustegn.

Ord quei motiv ston ils artechels 18 e 24 da nossa costituziun vegnir midai:

- Da niev sut **art. 18 «La suprastonza» (cumposiziun)**: La suprastonza ei igl organ executoric ed administrativ dalla pleiv sco era igl organ dil corpus Catholicum. Ella consista ord: a) president b) actuar e vicepresidente c) cassier. La suprastonza seconstituescha sesezza, priu ora il president.
- Da niev sut **art. 24 «Uorden da fatschenta»**: La suprastonza serimna sin invitaziun dil president aschi savens che las fatschentas damondan ni sin giavisch da dus commembers. Ella sa concluder valeivlamein, sche dus commembers ein presents. Scadin commember dalla suprastonza che fa part dalla seduta ei obligaus da votar.

Las midadas dils artechels 18 e 24 vegnan votadas giu dils presents alla radunonza generala. Unanimamein van els d'accord cun las midadas.

10. Elecziuns

a) *president*: Il vicepresidente David pren il plaid e di ch'el hagi survegniu negin'abdicaziun dil president Arthur. El seigi promts da mantener siu uffeci per ils proxims treis onns. Cun in ferm applaus vegn il president Arthur reelegius. El engrazia a tuts per la confidonza demussada viers sia persuna.

b) *negins ni dus assessurs*: Cunquei che nus havein approbau las midadas dalla constituziun, croda l'elecziun da dus assessurs. Il president Arthur surdat ad Ignazi e Wendelin in regal ed engrazia grondamein ad els per tut il prestau en favur dalla pleiv Tujetsch.

c) *revisurs*: La suprastonza ha survegniu negin'abdicaziun dils revisurs Linus ed Emil. Cun in applaus vegnan els reelegi. In engraziament era per lur lavur.

d) *commember/A per il cussegl pastoral*: La presidenta dil cussegl pastoral Lucia Giozzi propona Roswitha Monn sco nova commembra per il cussegl pastoral. Unanimamein vegn ella elegida. Il president Arthur engrazia a Roswitha ch'ella ei sedeclarada pronta da sorprender quei uffeci.

11. Varia

Il president Arthur communicescha che la pleiv Tujetsch hagi suenter varga in onn puspei in plevon. Sur Charthakuzhiyil George Mathew ha 48 onns. El vegn dall'India. Il mument eis el aunc en Tiara tudestga. Ensemen cun sur Giusep Venzin vegn el a celebrar ils 30 da zercladur si'emprema messa ella baselgia s. Vigeli a Sedrun.

Cunquei che sur Mattiu sa pervia dil lungatg romontsch buca dar ductrina, ha la pleiv buca saviu dar in pensum cumplein ad el. Per quei motiv ha la pleiv Tujetsch priu si contact cun la pleiv Medel/Lucmagn. Ei vegn a dar ina collaboraziun denter las pleivs. Sur Mattiu vegn a celebrar circa 32 messas repartidas sur igl entir onn ora ella pleiv Medel/Lucmagn. Cheutras vegn el sin in pensum cumplein. Sur Mattiu pastorescha las duas pleivs sco plevon administratur.

Il president supplichescha da segidar quei ch'ei pusseivel cun il niev plevon ed encurir il discuors cun el. In grond engraziament va era a tuts plevons gidonters che han celebrau las messas en nossa pleiv il davos onn. Tut las stentas d'anflar in caluster per Selva ein stadas vanas. Per quei ei Gion-Giachen Monn per cletg sedeclaraus promts da prolungir siu uffeci entochen la fin digl onn 2019. In grond Dieus paghi ad el.

Mudest Venzin fa attents la suprastonza da mantener e renovar ils bials edifecis da nossa pleiv. El ei denton pertscharts che las finanzas stoppien era esser avon maun per saver far quei.

Il president Arthur Caduff engrazia a tuts che han priu part dalla radunonza generala dalla pleiv e giavischa in bien retuorn a casa.

Igl actuar:
David Tuor

Il president:
Arthur Caduff

Rapport annual 2019

Caras parochianas e cars parochians

Per la quarta gada astgel jeu presentar a Vus il rapport annual. Jeu fetsch puspei ina cuorta retrospectiva digl onn vargau.

Igl onn 2019 ei la lavur per la suprastonza dalla pleiv Tujetsch puspei buc ida ora. Cheu suondan entgins cavazzins davart las differentas lavurs:

- encurir in plevon per la pleiv Tujetsch
- mirar tgei lavurs supplementaras surdar al plevon per saver ademplir ad el in pensum cumplein
- discussiunar cun la pleiv Medel/Lucmagn pertuccont ina collaboraziun
- surdar differentas lavurs da sanaziun ella casa pervenda a Selva muort donns dil buliu
- surdar diversas lavurs da sanaziun ella casa pervenda a Spinatscha Sedrun
- cumprar mobiglias per la casa pervenda Cadruvi a Sedrun
- schar midar ora igl entir indrez d'electricidad dalla caplutta da Nossadunna a Zarcuns, perquei ch'il cametg era daus giu leu miez fenadur



In dils bulius en la casa pervenda a Selva

Plevon

Per empender d'enconuscher il plevon sur Mathew Charthakuzhiyil dall'India havein nus supplicau el da celebrar ina s. messa a Rueras. Sur Mathew ha dau suatientscha a nies invit ed ei vegnius ils 27 da schaner 2019 a Rueras a celebrar ina s. messa. Ils resuns dils presents ein stai ordvart positivs. Aschia ha la suprastonza mirau per las lubientschas necessarias per che sur Mathew sappi vegnir en Tujetsch.

Ils 30 da zercladur 2019 ha sur Mathew Charthakuzhiyil celebrau si'emprema s. messa a Sedrun cun sustegn da sur Giusep Venzin. Sur Giusep Venzin ei plinavon era sedeclaraus prompts da segidar in temps cun sur Mathew quei che pertucca la pastoraziun e la liturgia. In grond Dieus paghi a sur Giusep.



Per che sur Mathew hagi in pensum cumplein, ein las duas pleivs da Medel/Lucmagn e Tujetsch sedecididas da collaborar. Sur Mathew ei staus cuntents da surprender ina pintga part dalla pastoraziun ella Val Medel.

In grond Dieus paghi a nos plevons pensiunai, sur Alexi Manetsch, sur Giusep Venzin e sur Giusep Cathomas, sco era al convent dalla claustra da Mustér. Els tuts han segidau cun la pleiv Tujetsch per che nus sappien celebrar silmeins ina messa per jamna ella Val Tujetsch.

Alla grappa liturgica, Hubert Venzin, Imelda Monn, Ursula Deplazes, Marcus Munsch e Marcel Soliva, medemamein in grond engraziament per ils bials survetschs divins dil plaid.

Naschientschas e mortoris

Igl onn 2019 havein nus giu sis battens en nossa pleiv. Otg affons han astgau retscheiver l'emprema sontga Communiun. A nossas famiglias giavischein nus ventira e benedicziun. Igl onn 2019 havein nus giu dudisch mortoris en nossa pleiv. Nossas defunctas e nos defuncts ruaussien en pasch.

Suprastonza e secretariat

Cheu vi jeu prender la caschun d'engraziar a mes consuprastonts David, Simeon, Ignazi e Wendelin per la buna collaboraziun ed il bien sustegn. Ils dus consuprastonts Ignazi Monn e Wendelin Hendry havevan demissiunau lur uffecis sin la radunonza generala 2019. Suenter pliras ponderaziuns essan nus dalla suprastonza sedecidi da diminuir il diember da commembers dalla suprastonza da tschun sin treis. Aschia secumpona la suprastonza dalla pleiv naven dalla radunonza generala 2019 mo pli da treis commembers, numnadamein president, actuar-vicepresident e cassier.

In cordial engraziament admittel jeu era a nossa secretaria Rosvita Loretz ch'ademplescha sia lavur cunscienziusamein.

Calustras e calusters

In grond Dieus paghi a nossas premuradas calustras e nos premurai calusters per lur cunscienziusa lavur en favur dalla pleiv. In special engraziament als calusters da Sedrun Sep Andriu Monn e sia consorta Marianna ed alla calustra da Rueras Imelda Monn. Els adempleschan lur lavur onn per onn per nossa cumpleina cuntentientscha. Secapescha meretan era las calustras ed ils calusters da tut nossas capluttas in sincer engraziament per lur buna lavur.

Il caluster Gion Giachen Monn ha giu visau sia piazza sco caluster da Selva suenter endisch onns. Malgrad tut nossas stentas, havein nus deplorablamein buc anflau in caluster per la baselgia da Selva. Gion Giachen ha per cletg buca schau nus ella buglia ed ei sedeclaraus prompts dad aunc inagada surprender igl uffeci da caluster per in onn. In engraziel fetg ad el persuentar.

Cussegl pastoral

Allas duas co-presidentas Lucia Giossi ed Imelda Monn cun tut las commembras ed ils commembers dil cussegl pastoral engraziel jeu grondamein per lur buna lavur prestada en favur dalla Pleiv Tujetsch.

Chors baselgia, organistas/organists e societad da musica

Jeu admittel in grond engraziament al chor baselgia da Sedrun cun il dirigent ed organist Claudio Simonet e cun il vice-dirigent Benedetg Hendry per lur breigias. Era al chor mischedau da Rueras cun il dirigent Tarcisi Hendry in grond engraziament per lur engaschis. Allas duas organistas Erika Steinacher e Jacinta Jacomet sco era agl organist Marcel Pöhl engraziel jeu fetg per il bi accumpignament duront las s. messas. Alla societad da musica Sedrun cun il dirigent Lucas Decurtins medemamein in engraziel fetg per las bialas melodias a caschun dallas fiastas da baselgia. Buc emblidar d'engraziar vi jeu al chor da sepultura cun ils dus dirigents Benedetg Hendry e Tarcisi Hendry per il cant commuentond a caschun dallas sepulturas.



Ductrina

Alla fideivla catecheta Ursulina Cavegn ed al fideivel catechet Hubert Venzin in grond Dieus paghi. Els instrueschan cun gronda premura las lecziuns da religiun a tut las scolaras ed ils scolars naven dall'emprema entochen la sisavla classa primara dalla Val Tujetsch. Ultra da quei han Ursulina e Hubert aunc surpriu ils projects da religiun dil scalem superiur.

Gidonters e voluntaris

All'uniun da dunnas, specialmein alla gruppa che prepara l'oraziun mundiala, seigi engraziau da cor persunter. Buca tralaschar d'engraziar vi jeu allas dunnas ed als umens che schubregian mintg'onn puspei la baselgia da s. Vigeli a Sedrun, la baselgia da s. Giachen a Rueras e la baselgia da s. Gion e Paul a Selva. In Dieus paghi per lur bunaveglia. A tuttas ed a tuts che segidan adina puspei voluntarmein cun surprender in ni l'auter post en favur dalla Pleiv Tujetsch admittel jeu in grond engraziament. Ozildi secapescha ei buca da sesez ch'ei vegn impundiu temps per il generaleesser. Per quei motiv envida la Pleiv Tujetsch tut ils officials, gidonters e voluntaris ina gada ad onn ad in mudest gentar sco engraziament per lur lavur prestada.

Ussa resta ei a mi mo pli da giavischar a tut las parochianas e tut ils parochians buna sanadad e bia cuntentientscha.

Il president *Arthur Caduff*

Rapport annual dil cussegl pastoral 2019

Preziadas parochianas e preziai parochians,

Sco mintg'onn lein nus dil cussegl pastoral presentar a vus il rapport dil curriu e passau igl onn ora.

Il pensum dil cussegl pastoral serepeta onn per onn, aschia era il rapport annual.

Program da lavur 2019

Survetsch divin dalla plonta

Ils scolars dalla quarta classa han embelliu il survetsch divin dalla plonta.

Per mintga parochian/A che ha bandunau nus duront igl onn ora han ils scolars envidau ina candeila sco era pendiu in feagl vid la plonta en

memoria dil defunct. Quella plonta sesanfla en baselgia sut lautga en.

Nos cars defuncts ruaussien en pasch.



Uncziun dils malsauns

Ils 17 da settember 2019 ha il cussegl pastoral organisau l'uncziun dils

malsauns en baselgia a Sedrun. Biars vischins e biaras vischinas han priu part da quella purschida e sur Mathew ha celebrau ina biala messa.

Silsuenter havein nus gudiu in bien caffè ed in toc petta.

Sontgaclau en baselgia

La sonda, ils 7 da december allas 17.00 uras essan nus seradunai en baselgia a Sedrun per festivar ina devoziun da Sontgaclau.

Numerus affons cun lur babs e mummas han fatg part da quella biala devoziun. La catecheta Ursulina ha raquintau ina biala praula ed il Sontgaclau ha legiu las supplicas e fatg in beinvegni als affons ed als geniturs. Igl ei stau ina biala devoziun da Sontgaclau e nus vein gudiu in bi mument da cuminonza.



Rorate

Ils 10 ed ils 19 da december ein entgins carschi seradunai en baselgia a Rueras ed a Sedrun per festivar ina devoziun da Rorate. Suenter la devoziun ei vegniu purschiu in solver.

Ils 14 ed ils 15 da december, la sonda a Rueras e la dumengia a Sedrun, han nies catechet Hubert Venzin e nosa catecheta Ursulina Cavegn fatg ina devoziun da Rorate ensemen cun ils scolars e las scolaras dil scalem superiur. Nus havein astgau guder in mument da ruaus, plaids commuentonts, legreiblas canzuns e biala musica. Ils scolars han fatg patratgs co sepreparar per la fiasta da Nadal. Nus lein engraziar al Hubert, all'Ursulina ed a tuts scolars e tuttas scolaras da tut cor persuenten.

S. Retgs

Ils 3 ed ils 4 da schaner 2020 han ils s. Retgs fatg viseta ellas casadas da Tujetsch. Nus havein anflau bia escha aviarta e fatschas tarlischontas durent la biala canzun per la viseta dils s. Retgs. Ils affons dalla 5./6. classa cun lur scolasta Aurelia Albin-Flepp han dau gronda breigia da preparar la canzun e nus engraziein ad els grondamein per lur engaschi. Cun quella caschun engraziein nus era a tuts gidonters ed a tuttas gidontras per lur grond agid e sustegn.

Il recav da quels dus dis va all'instituziun «Archidiocesa Trivandrum». In cordial Dieus paghi per las generusas donaziuns.

Aperitivs

Da perdanonza a Sedrun ed a Rueras astgein nus mintgamai survir in aperitiv. Era da dumengi'alva e da Creisma vegn surviu in aperitiv da fiasta. Saver star ensemen, tedlar la musica, guder in bien migiel vin e dar ina paterlada cun il vischin, quei ei baselgia viva.

Plaid final

Sco finiziun da nies rapport lein nus engraziar grondamein a tut quels che s'engaschan per il beinstar da nossa pleiv e nossa baselgia. Entochen il meins da fenadur 2019 ein Sur Giusep e Sur Alexi segidai cun nossa pleiv, in cordial Dieus paghi.

L'entschatta zercladur 2019 havein nus astgau beneventar in niev augsegner en nossa pleiv, il sur Mathew Charthakuzhiyil. Nus fagein ad el in cordial beinvegni, sperein ch'el sesenti bein en nossa val e giavischein tut bien. Als commembers dil cussegl pastoral cun lur confamiliars, alla suprastonza dalla pleiv, als caluster/As, als lecturs, alla gruppa liturgica, als ministrants/As, als chors da baselgia ed als dirigents, alla musica, als organists ed a tut quels ch'ein segidai en ina moda u l'otra engraziein nus grondamein per lur engaschi.

A tuts in grond Dieus paghi.

Pil cussegl pastoral

Imelda Monn e Lucia Giossi

Bilanza per ils 31-12-2019

Activas	Onn current	Onn precedent
Facultad currenta		
Conto Banca Raiffeisen	13'596.40	2'248.56
Dabien taglia da cult	248'696.75	251'571.75
Dabien taglia anticipada	4.20	8.40
Debiturs	0.00	0.00
Activas transitoricas	0.00	0.00
Vaglias: Conto da spargn BRC	189'927.22	129'773.45
Commembradi Raiffeisen	200.00	200.00
Conto da spargn «camp ministrants»	3'876.42	3'874.48
Pretensiuns d'emprests	13'300.00	
Facultad piazzada		
Casa pervenda Sedrun	284'000.00	288'000.00
Casa pervenda veglia Sedrun	128'000.00	130'000.00
Casa pervenda Rueras	104'000.00	106'000.00
Casa pervenda Selva	133'000.00	135'000.00
Baghetg Selva	18'000.00	20'000.00
Faner Rueras	1'000.00	2'000.00
Prau agricol	4'000.00	6'000.00
Total activas	1'141'600.99	1'074'676.64
Passivas		
Capital jester		
Crediturs	3'858.75	32'061.10
Creditur «Taglia Fontauna»	2'743.75	0.00
Deivet hipotecar	120'000.00	120'000.00
Deivet baselgia s.Vigeli	20'000.00	0.00
Passivas transitoricas	0.00	0.00
Agen capital e reservas		
Capital agen	922'615.54	899'701.86
Reservas manteniment baghetgts e baselgias	55'000.00	0.00
Gudogn/Sperdita digl onn	17'382.95	22'913.68
Total passivas	1'141'600.99	1'074'676.64

Quen annual 2019

1. Entradas

1.1 Taglias

Taglia da cult	267'552.00	254'237.25
Taglia alla fontauna	21'005.55	22'298.70

1.2 Tscheins

Tscheins casa	47'340.00	47'440.00
Tscheins activs	167.71	141.28
Tscheins da praus e terren	4'055.40	4'055.40

1.3 Contribuziuns

Contribuziun caluster	1'500.00	1'500.00
Contribuziun ductrina	3'000.00	6'000.00
Contribuziun finanziaria baselgia GR	70'679.00	57'840.00

1.4 Diversas

Bunamanas sontget Gadius	364.05	141.00
Diversas entradas	5'696.90	190.15

Total entradas	421'360.61	393'843.78
-----------------------	-------------------	-------------------

2. Expensas

2.1 Cuosts da personal/instanzas

Pagas (incl. gratificaziuns)	129'620.70	146'885.10
Pagas e cuosts funcziunaris	14'770.00	16'120.00
Pagas plevons gidonters	8'300.00	14'400.60
Lavur da giuventetgna CADI	10'233.75	10'233.75
Cussegl pastoral	2'750.00	2'700.00
Cuors da perfecziun	1'395.30	360.00
Indemnisaziun organists	8'244.20	9'775.15
Honoraziuns e regals da personal	729.40	780.90
Ulteriurs cuosts da personal	4'728.55	3'946.50

2.2 Cuosts socials

Cassa da cumpensaziun AVS	7'105.10	9'566.05
Cassa da pensiun	4'500.95	6'897.25
Cassa da malsauns ed accidents	1'052.65	574.75
Acquisiziun da personal	1'468.00	368.00
Indemnisaziun da spesas	100.00	150.00
Sedutas / protocols	3'655.00	4'500.00

2.3 Cuosts immobilias ed indrezs

Manteniment casas	55'523.75	35'139.45
Manteniment baghetgs	513.35	0.00
Manteniment indrezs	1'779.65	1'766.94
Manteniment e cuosts dad orglas	0.00	0.00
Manteniment baselgias/capluttas	21'421.96	876.55
Lavurs da conturon	3'132.23	2'228.10

2.4 Cuosts da vehichels e transport

Bonificaziun auto plevon	1'800.00	1'800.00
Cuosts da viadi dil personal/excursiuns	704.80	1'005.00

2.5 Segiradas, contribuziuns, taxas

Premias da segiradas	3'234.15	3'205.40
Contribuziuns e taxas	1'628.00	3'448.00
Provisiun incasso taglia	8'902.05	8'546.80

2.6 Cuosts d'energia

Jeli/electricitad/aua	6'972.20	2'570.50
Serenera/canalisaziun/miardas	3'945.25	3'935.75

2.7 Cuosts d'administraziun

Material da biro, eed	4'534.30	1'889.36
Gasettas, lectura e.a.v.	757.00	2'677.20
Telefon, internet	1'381.80	3'523.85
Francaturas, portos	335.00	383.15
Uorden per dar ductrina	1'448.20	2'156.80
Contribuziuns, donaziuns	52'781.60	31'491.00
Ulivaziun sperditas	10'000.00	14'500.00
Cuosts ministrants	207.00	817.35

2.8 Stampats e material da reclama		
Publicaziuns/inserats	4'126.30	1'995.00
Embelliments	269.25	269.25
2.9 Diversas		
Diversas expensas	696.60	267.00
Consumaziuns radunonzas e sesidas	187.00	140.00
3.0 Cuosts finanziaals		
Tscheins bancars	0.00	0.00
Tscheins hipotecars	2'280.00	2'280.00
Spesas bancaras	91.62	88.60
3.1 Taglias		
Taglia sin schischom	1'671.00	1'671.00
3.2 Deducziuns/retenziuns		
Deducziuns sin immobilias	15'000.00	15'000.00
Totas expensas	403'977.66	370'930.10
Cumparegliaziun		
Total entradas	421'360.61	393'843.78
Total expensas	-403'977.66	370'930.10
Fatg anavon/anavos	17'382.95	22'913.68

Preventiv 2020

	Quen 2019	Preventiv 2020
Expensas		
Cuosts da personal/instanzas		
Pagas (incl. gratificaziuns)	129'620.70	188'000.00
Pagas e cuosts funcziunaris	14'770.00	15'000.00
Pagas plevons gidonters	8'300.00	500.00
Lavur da giuventetgna CADI	10'233.75	10'300.00
Cussegl pastoral	2'750.00	2'700.00
Cuors da perfecziun	1'395.30	2'000.00
Indemisaziun organists	8'244.20	9'000.00
Honoraziuns e regals da personal	729.40	1'000.00
Ulteriurs cuosts da personal	4'728.55	4'500.00
Cuosts socials		
Cassa da cumpensaziun AVS	7'105.10	11'300.00
Cassa da pensiun	4'500.95	8'600.00
Cassa da malsaus ed accidents	1'052.65	1'100.00
Procuraziun da personal	1'468.00	0.00
Indemisaziun da spesas	100.00	200.00
Sedutas/protocols	3'655.00	4'000.00
Cuosts casas/baghetgs ed indrezs		
Manteniment casas	55'523.75	20'000.00
Manteniment baghetgs	513.35	1'000.00
Manteniment indrezs	1'779.65	2'000.00
Manteniment e cuosts dad orglas	0.00	500.00
Manteniment baselgias/capluttas	21'421.96	20'000.00
Lavurs da conturon	3'132.23	3'000.00
Jeli/electricitad/aua	6'972.20	5'000.00
Serenera/canalizaziun/miardas	3'945.25	4'000.00
Cuosts generals		
Tscheins e spesas da banca	2'371.62	2'400.00
Taglias	1'671.00	1'700.00
Segiradas	3'234.15	3'300.00
Auto, garascha	1'800.00	3'600.00
Cuosts da viadi personal/excursiuns	704.80	1'000.00
Contribuziuns e taxas	1'628.00	3'500.00

Donaziuns	52'781.60	10'000.00
Ulivaziuns sperditas	10'000.00	0.00
Cuosts ministrants	207.00	500.00
Incasso taglia	8'902.05	9'000.00
Uorden per dar ductrina	1'448.20	1'500.00
Stampats/inserats	4'883.30	5'000.00
Material da biro, eed	4'534.30	1'000.00
Portos, telefon, internet	1'716.80	2'000.00
Consum. radun. e sesidas	187.00	200.00
Embelliments	269.25	300.00
Ulteriurs cuosts generals	696.60	700.00
Deducziuns	15'000.00	14'000.00
Total expensas	403'977.66	373'400.00

Entradas

Taglias

Taglia da cult	267'552.00	255'000.00 0
Taglia alla fontauna	21'005.55	18'000.00

Tscheins

Tscheins casa	47'340.00	47'300.00
Tscheins activs	167.71	130.00
Tscheins da praus e terren	4'055.40	4'000.00

Contribuziuns

Contribuziun caluster	1'500.00	1'500.00
Contribuziun ductrina	3'000.00	3'000.00
Contribuziun finanziaria baselgia GR	70'679.00	50'000.00

Diversas

Bunamanas sontget Gediun	364.05	100.00
Diversas entradas	5'696.90	300.00

Total entradas	421'360.61	379'330.00
-----------------------	-------------------	-------------------

Cumparegliazium

Total entradas	421'360.61	379'330.00
Total expensas	403'977.66	373'400.00
Gudogn/Sperdita	17'382.95	5'930.00

Revista dil quen dalla baselgia s. Vigeli

Entradas	Onn current	Onn precedent
Unfrendas ordinarias	8589.35	10'369.50
Glischettas	3'840.70	4'532.10
Cassa s. Antoni	3'688.09	3'489.20
VT/restit. cuosts communabels	2'259.80	2'466.70
Tscheins bruts	569.34	570.05
Restituziun messas fundadas	8'000.00	2'500.00
Renovaziun s. Vigeli	75'000.00	32'000.00
Diversas entradas	0.00	0.00
Total entradas	101'947.28	55'927.55
Expensas		
Unfrendas/collectas	3'050.00	2'260.00
Segiradas/taxas	7'240.60	7'286.25
Energia	9'854.65	10'462.75
Stipendis messas fundadas	1'480.00	1'020.00
Mat. biro/administraziun plevons	0.00	800.60
Embelliments/candeilas	1'350.00	1'291.00
Vins da messas/hostias	603.40	988.90
Manteniments/REP/schubergiar	4'181.26	4'315.95
Portos/spesas/cummissiuns bancaras	15.20	27.22
Total expensas	27'775.11	28'452.67
Surpli entradas/expensas	74'172.17	27'474.88

Revista dil quen dalla baselgia s. Giachen

Entradas	Onn current	Onn precedent
Unfrendas ordinarias	3'596.85	4'326.50
Glischettas	1'755.05	1'607.10
Bunamanas/legats	350.00	50.00
Sustegn Pleiv	2'000.00	3'500.00
VT/restit. cuosts comunabels	550.05	489.20
Tscheins bruts	39.71	40.30
Restituziun messas fundadas	7'000.00	1'000.00
Diversas entradas	0.00	0.00
Total entradas	15'291.66	11'013.10
Expensas		
Segiradas/taxas	2'678.50	2'666.90
Energia	5'205.55	5'249.10
Stipendis messas fundadas	890.00	570.00
Embelliments/candeilas	1'142.55	662.50
Vins da messas/hostias	154.15	316.70
Manteniments/REP/schubergiar	1'514.45	2'633.60
Tscheins/spesas bancaras	13.07	14.60
Total expensas	11'598.27	12'113.40
Surpli expensas/entradas	3'693.39	-1'100.30

Facultad baselgias e capluttas

		Onn current	Onn precedent
Sedrun: Baselgia s. Vigeli	Facultad	1'384'704.20	1'310'544.08
Ugau e caluster:	Deivet	-540'000.00	-540'000.00
Monn Sep Andriu e Marianna	Fondo messas fundadas	146'960.00	154'460.00
Rueras: Baselgia s. Giachen	Facultad	5'951.01	2'257.62
Ugau e caluster:	Fondo messas fundadas	90'810.00	97'810.00
Monn-Monn Imelda			
Selva: Baselgia s. Gion e Paul	Facultad	4'483.10	4'439.34
Ugau e caluster:	Fondo messas fundadas	24'500.00	25'000.00
Monn Gion Giachen			
Tschamut: Caplutta s. Clau	Facultad	4'038.52	1'326.07
Ugau: Hendry Fidel			
S. Brida: Caplutta s. Brida	Facultad	10'695.30	10'383.42
Ugau: Venzin Mudest			
Giuiv: Caplutta s. Bistgaun	Facultad	3'831.77	162.72
Ugau: Monn Gion Giachen			
Zarcuns: Capl. Nossadunna	Facultad	16'165.48	17'045.53
Ugau:	conto		
Schmid-Manetsch Vigeli	«Renovaziun»	0.00	100'284.23
	Deivet «Missiun Interna»	0.00	-100'000.00
Camischolas:	Facultad	3'855.42	4'485.46
Caplutta s. Onna			
Ugau: Cavegn Venanzi			
Bugnei: Caplutta s. Giusep	Facultad	41'388.11	41'129.69
Ugau: Loretz Rosvita			
Cavorgia: Caplutta s. Leci	Facultad	3'566.34	594.02
Ugau: Cavegn Margrith			
Surrein: Caplutta s. Antoni	Facultad	44'910.37	44'539.81
Ugau: Loretz Jovita			

Rapport dils revisurs da quen

Per la radunonza generala dalla Pleiv da Tujetsch

Stimada suprastonza

Stimadas commembras, stimai commembers dalla Pleiv da Tujetsch

La revisiun dil quen 2019 ei vegnida fatga entras ils 2 revisurs en preschientscha dil cassier ils 25 d'avrel 2020. Tier nossa controlla havein nus inspectau il quen e la bilanza sco era ils quens dallas baselgias e capluttas.

Sco usitau ei il quen menaus, conform alla contabilitad moderna, schuber e bein. Tut ils mussaments ein avon maun e corrispundan allas cudischaziuns. Tier tut nossas damondas ha il cassier saviu porscher il sclariment giavischau.

Sin fundament da nossa controlla proponin nus alla radunonza generala:

- a) d'approbar il quen e la bilanza 2019 dalla Pleiv da Tujetsch
- b) da dar scarica al cassier ed a tuts funcziunaris dalla suprastonza
- c) d'admetter al cassier Simeon Cavegn in cordial Dieus paghi per siu grond engaschi.

Rueras/Sedrun, avrel 2020

Ils revisurs:

Linus Vincenz, Emil Soliva

Officials dalla Pleiv Tujetsch

Suprastonza dalla pleiv

president	Caduff Arthur, Sedrun
actuar e vicepresidente	Tuor David, Sedrun
cassier	Cavegn Simeon, Sedrun
ex. officio	sur Mathew Charthakuzhiyil

Secretariat

Loretz-Lutz Rosvita, Sedrun

Revisurs da quen

Vincenz Linus, Rueras
Soliva Emil, Sedrun

suppleants

Monn Gion Giachen, Rueras
Venzin Mudest, Rueras

Calusters baselgias e capluttas

Tschamut	Hendry Fidel, Tschamut
Selva	vacant
s. Brida	Venzin Mudest, Rueras
Giuv	Monn Gion Giachen, Rueras
Rueras	Monn-Monn Imelda, Rueras
Zarcuns	Schmid Vigeli, Zarcuns
Camischolas	Cavegn Venanzi, Camischolas
Sedrun	Monn Sep Andriu e Marianna, Sedrun
Sontget dils gediis	Decurtins-Monn Judith, Sedrun
Bugnei	Loretz Rosvita, Sedrun
Surrein	Loretz Jovita, Surrein
Cavorgia	Cavegn Margrith, Sedrun

Organists/As

Jacomet Jacinta, Mustér
Pöhl Marcel, Cavardiras
Simonet Claudio, Curaglia
Steinacher Erica, Mustér

Dirigents dils chors

baselgia Sedrun	Simonet Claudio, Curaglia
baselgia Rueras	Hendry Tarcisi, Sedrun
vicedirigent	Hendry Benedetg, Sedrun (CB Sedrun)

Calusters Sedrun	Monn Sep Andriu e Marianna, Sedrun
Calustra Rueras	Monn-Monn Imelda, Rueras
Caluster Seiva	vacant
Cussegl pastoral presidenta(s)	Giossi-Caduff Lucia, Rueras Monn-Monn Imelda, Rueras Munsch-Vincenz Marcus, Sedrun Berther Norbert, Camischolas Caduff Arthur, Sedrun Cavegn-Bisquolm Ursulina, Camischolas Fryberg-Loretz Doris, Sedrun Loretz-Lutz Rosvita, Sedrun Riedi-Berther Maria Barla, Gionda
actuar	
cassier	
assessurs	
ex. officio	sur Mathew Charthakuzhiyil
Ductrina	Cavegn-Bisquolm Ursulina, Camischolas Venzin Hubert, Rueras
Parter ora la s. communiun, lecturs/as, survetsch preeu- caristic e gruppa liturgica	Cavegn-Berther Franzisca, Sedrun Cavegn-Flury Margrith, Sedrun Cavegn-Brugger Richard, Sedrun Deplazes-Monn Ursula, Sedrun Giossi-Caduff Lucia, Rueras Monn-Monn Imelda, Rueras Monn-Jacomet Marianna, Sedrun Monn-Tomaschett Roswitha, Sedrun Monn-Jacomet Sep Andriu, Sedrun Munsch-Vincenz Marcus, Sedrun Soliva-Flepp Marcel, Sedrun
Sminca s. retgs	Monn-Schlosser Astrid, Camischolas